



Pou Piblikasyon Imedya: 02/03/2023

GOUVÈNÈ KATHY HOCHUL

**GOUVÈNÈ HOCHUL ANONSE COOPERSTOWN, SHARON SPRINGS, AK
DOLGEVILLE KÒM GAYAN MOHAWK VALLEY NAN KAD PREMYE FAZ PWOGGRAM
NY FORWARD LA**

Vilaj Cooperstown pral resevwa 4.5 milyon dola; Vilaj Sharon Springs ak Dolgeville pral resevwa 2.25 milyon dola yo chak

Nouvo pwogram NY Forward 100 milyon dola a baze sou elan inisyativ revitalizasyon anba lavil reyisi a pou sipòte yon rekiperasyon ki pi ekitab pou kominote New York ki pi piti ak riral yo

Gouvènè Kathy Hochul te anonse jodi a ke Vilaj Cooperstown pral resevwa 4.5 milyon dola, epi Vilaj Sharon Springs ak Dolgeville pral resevwa yo chak 2.25 milyon dola finansman antanke gayan reyon Mohawk Valley pou premye faz NY Forward la. Baze sou elan Inisyativ Revitalizasyon Anba Lavil (Downtown Revitalization Initiative, DRI) reyisi eta a, pwogram NY Forward 100 milyon dola a adopte menm estrateji "Planifye epi Aji" kòm DRI pou sipòte yon rekiperasyon anba lavil ki pi ekitab pou kominote New York ki pi piti ak riral yo. Nan kad Premye Faz NY Forward la, yo pral akòde de a twa prim bay kominote ki pi piti yo nan chak nan dis reyon devlopman ekonomik eta a pou sipòte devlopman ak aplikasyon yon plan revitalizasyon pou anba lavil yo.

"Asire ti vil yo ak vil yo gen resous yo bezwen pou pwospere se yon bagay esansyèl pou repriz ekonomik New York", **Gouvènè Hochul te deklare**. "Prim sa yo ap ede Vilaj Cooperstown, Sharon Springs, ak Dolgeville devlope anba lavil yo, amelyore kalite lavi rezidan ak vizitè yo, epi kreye nouvo djòb epi atire biznis pou devlope opòtinite ekonomik atravè reyon an."

NY Forward se yon eleman santral nan efò devlopman ekonomik eta a, k ap travay ansanm avèk DRI pou akselere ak elaji revitalizasyon anba lavil New York yo. NY Forward sèvi kominote ki pi piti yo avèk yon karaktè istorik ki distenje yo de pi gwo distri komèsyal santral iben yo ki finanse jeneralman atravè DRI. Kominote NY Forward yo se kominote pyeton, ki se zòn ki mwen dans ki sèvi kominote lokal dirèk la, epi ki gen plis nati lokal - ki konsantre sou anviwònman rezidansyèl dirèk oswa devlopman agrikilti santral la.

Menm jan ak DRI, chak kominote NY Forward pral devlope yon Plan Envestisman Estratejik pou revitalize anba lavil li a atravè yon seri pwojè ki fasil pou egzekite. Depatman Deta a pral bay plis asistans teknik pou pi byen sipòte kominote ki pi pit yo ki ka gen mwens kapasite nan kad pwogram NY Forward la epi finanse pwojè ki apwopriye pou gwosè chak kominote. Pwojè yo ka gen ladan renovasyon ak reyamenajman bilding, novo konstriksyon oswa kreyasyon novo espas publik oswa amelyore espas publik yo ak lòt pwojè ki ogmante kalite espesifik kiltirèl, istorik ki amelyore santiman cham ti vil yo.

Cooperstown

Anba lavil Cooperstownlan se nwayo yon kominote fòmidab, ki atire rezidan lokal ak rejjonal yo, ak touris yo frekante li. Ankre pa National Baseball Hall of Fame, yo koonen Cooperstown paske li se yon atraksyon nasional pou jwè, fanatik ak tifozi bezbòl yo, ansanm ak yon premye destinasyon atistik ak kiltirèl. Fenimore Art Museum ak Farmers' Museum yo sitiye jis andeyò limit Vilaj la, epi Vilaj la òganize anpil evènman mizikal ak kiltirèl anplis gwo Evènman Hall of Fame yo. Tout Vilaj la nan lis Rejis Nasional ak Eta Plas Istorik (National and State Register of Historic Places) yo, epi Lak Otsego bay yon tablo panoramik pou kominote a. Cooperstown ap chèche bati sou amelyorasyon sant vil anvan yo ak touris natirèl li yo lè li kreye koneksyon ant Main Street ak Lak Otsego, sa k ap revitalize fasad istorik yo, amelyore enfrastrikti pou amelyore kalite rezidansyèl ak komèsyal yo, amelyore kapasite pou mache ak aksè ak ede nan kreyasyon estil apatman lojman pou anba lavil.

Sharon Springs

Vilaj Sharon Springs rekonèt alafwa pa Rejis Nasional Plas Istorik la ak Rejis Plas Istorik Eta New York kòm yon vilaj Spa istorik. Pandan ke Sharon Springs gen sèlman 500 rezidan pandan tout ane a, li Se sit ki gen plis pase 15 milyon dola nan envestisman prive jiska dat, ak etablisman tankou Beekman 1802 kontinye atire atansyon sou Vilaj la. Zòn NY Forward Sharon Springs pwopoze a ta enkòpore Main Street pandan I ap pwolonje nan nò nan apeprè yon km edmi nak liy Adler Hotel and Village epi de blòk nan lès Main Street. Nan zòn sa a jis nan Main Street la, sous dlo mineral yo, rivyè ak kaskad dlo yo toune otou yon istwa k ap vin vivan nan spa Iwazi yo, yon pak vilaj, restoran, otèl, teyat ak atizay, ekspozisyon ak boutik. Sharon Springs ap chèche bati sou kwasans resan li nan envestisman biznis prive ak envestisman enfrastrikti publik pou I vin tounen yon kominote modèn, biznis modèl, rezidansyèl ak touristik pou 21èm syèk la ak odela. Vilaj la pral reyalize vizyon li nan renove avni kle ak amizman ak lòt bilding istorik, ajoute Wi-Fi publik epi ede anpil ti biznis Vilaj la.

Dolgeville

Plase nan pye Mòn Adirondack yo, Vilaj Dolgeville aji kòm yon pòtay ki bay nan rejjyon Adirondack la ak yon koneksyon ak vil rejjonal yo. Zòn NY Forward Vilaj la pwopoze a sitiye nan kè Anba Lavil Dolgeville, yon espas ki fasil pou mache ak Main Street Vilaj la k ap pase nan sant li epi ki gen ladan kèk karakteristik ki pi inik li yo ki karakterize pa itilizasyon endistriyèl sou East Canada Creek, yon kote estratejik ki te lakay premye izin idwoelektrik Mohawk Valley a. Konbinezon inik resous natirèl Vilaj la ak enfrastrikti inovan simante espas sa a kòm yon sant endistri nan Vilaj la. Bati sou istwa rich li a,

vizyon Vilaj la se retabli dinamik ekonomik, komèsyal, kiltirèl ak atistik li ak distri istorik Main Street li a, k ap mennen Vilaj la nan yon avni k ap pwospere epi ki dirab. Vilaj Dolgeville ap chèche reyalize vizyon sa a nan amelyore aksè ak East Canada Creek, kreye yon fon pou ede ti biznis yo epi bay etablisman gadri ki enpòtan.

Sekretè Deta a, Robert J. Rodriguez, te deklare, "Revitalizasyon pi piti kominote anba lavil yo atravè Eta a se kle pou siksè efò devlopman ekonomik nou yo, e se egzakteman sa pwogram NY Forward nou an fè. Finansman yo bay Cooperstown, Sharon Springs ak Dolgeville atravè novo pwogram inovan sa a pral transfòme kominote sa yo an kote ki atiran pou viv, travay ak jwe, epi an retou pou sipòte yon rekiperasyon anba lavil ki pi ekitab pou Mohawk Valley ak tout Eta New York."

Prezidan ak Direktè Egzekitif Jeneral ak Komisè Empire State Development, Hope Knight, te deklare, "Lansman premye tou New York Forward sa a se youn ki pral kreye yon sikwi non sèlman pou vilaj anblematik Cooperstown ak eritaj bezbòl ak atistik li, men tou pou Vilaj pitorèsk Sharon Springs ak Dolgeville la. Swivan modèl DRI pou sant vil ki pi piti yo ak nan zòn riral yo, finansman New York Forward la pral amelyore espas komèsyal yo ak koneksyon ak atizay, bòdmè ak atraksyon nan kominote Mohawk Valley sa yo, pandan y ap ranfòse lojman ak enfastrikti pou jenere kwasans pou anpil manch k ap vini yo."

Komisè Biwo Renouvèlman Kay ak Kominote a, RuthAnne Visnauskas, te deklare, "Mohawk Valley prezante kominote inik, istorik ak atraksyon nasyonal, epi angajman Eta a atravè pwogram NY Forward la pral amelyore sa Cooperstown, Sharon Springs, ak Dolgeville gen pou ofri. Anons jodi a se yon premye egzanp sou fason envestisman estratejik Gouvènè Hochul nan kominote nou yo pral finalman benefisyé rezidan yo ak vizitè yo pou ane k ap vini yo."

Senatè Eta Mark Walczyk, te deklare, "Vilaj Dolgeville merite ekstrèmman pou jwenn finansman sa a, e sa pral yon gwo viktwa pou rezidan li yo. Amelyorasyon nan yon sant vil ki deja bèl ak istorik pral yon adisyon eksepsyonèl nan Mohawk Valley ak biwo mwen an rete pare pou ede nan nenpòt fason nou kapab."

Senatè Eta, Peter Oberacker, te deklare, "Mwen onore pou m reprezante Cooperstown ak Sharon Springs - tou de se vilaj eksepsyonèl, ak atraksyon istorik, ti biznis sipèb, ak lidè lokal eksepsyonèl - yo vrèman merite envestisman eta sa yo. Pandan ke vilaj sa yo se ganyan yo anonse jodi a, tout rejyon an pral benefisyé anpil nan dola sibvansyon sa yo. Ti kominote riral nou yo se jwayo ak motè ekonomik, li enpòtan pou eta a rekonèt enpòtans yo epi kontinye ede yo pwospere atravè pwogram tankou NY Forward."

Manm Asanble Chris Tague, te deklare, "Envestisman sa yo se yon bon nouvèl ki byenveni pou kominote riral nou yo kote gen gwo fyète nan kominote a. Li bon pou nou wè eta a apiye sa ak finansman revitalizasyon ekonomik enpòtan ki pral pwofite bon travay sitwayen yo déjà fè epi ede pouse ekonomi lokal nou an plis toujou."

Majistra Vilaj Cooperstown Ian, Ellen Tillapaugh, te deklare, "Nou kontan anpil paske Gouvènè Hochul ak Konsèy Ekonomik Mohawk Valley a te kreye pwogram NY Forward, epi li pafè pou yon Vilaj tankou Cooperstown. Prim 4.5 milyon dola sa a pou ti vilaj sa a, ki gen diferan eleman ak bezwen, pral fè yon gwo diferans."

Majistra Mary Puznowski, Vilaj Dolgeville, te deklare, "Nou vrèman fyè e nou vle remèsye Gouvènè Hochul paske li kreye pwogram sibvansyon sa a. NY Forward se yon gwo bagay, epi nou pa ta ka pi kontan pou nou se youn nan premye benefisyè yo."

Majistra Douglas Plummer, Vilaj Sharon Springs, te deklare, "Nou kontan anpil pou nou resevwa prim sa a. Ala yon opòtinite enteresan! **Nou pa t espere nou ta jwenn li atan, men nou rive fè li.** Nou gen yon ekip bèl bagay k ap travay sou sa e li trè, trè enteresan, epi nou remèsye Gouvènè Hochul pou opòtinite sa a."

Ko-prezidan Konsèy Devlopman Ekonomik Rejyonal Mohawk Valley a, Lawrence T. Gilroy III, Prezidan Gilroy, Kernan & Gilroy, Inc. ak Doktè Marion Terenzio, Prezidan SUNY Cobleskill, te delare, "Nou kontan anpil pou sipò Gouvènè Hochul nan revitalize pi piti kominote Eta New York atravè NY Forward la. Cooperstown, Sharon Springs ak Dolgeville sejwayo Mohawk Valley, epi MVREDC espere travay avèk pwogram sa a pou ede yo briye pi byen toujou."

Konsèy Devlopman Ekonomik Rejyonal Mohawk Valley (Mohawk Valley Regional Economic Development Council, MVREDC) te fè yon pwosesis revizyon apwofondi epi konpetitif sou pwopozisyon ke kominote nan tout rejyon an te soumèt, epi li te konsidere kritè sa yo anvan li rekòmande kominote sa yo antanke benefisyè:

- Anba lavil la dwe konpak, avèk limit ki byen defini;
- Anba lavil la ka kapitalize sou envestisman prive ak piblik yo te fè avan yo epi katalize sila k ap fèt nan katye a ak zòn ki ozalantou yo alavni;
- Kantite pòs travay yo dwe te ogmante dènyèman oswa yo gen pou ogmante anndan, oswa nan zòn ki touprè sant vil la yo ki ka atire travayè yo vin nan anba lavil la, soutni redvelopman epi fè kwasans lan dirab;
- Anba lavil la dwe se yon kominote ki abitab epi ki atiran pou divès popilasyon ki gen tout laj, revni, sèks, idantite, kapasite, deplasman ak orijin;
- Minisipalite a dwe deja adopte oswa gen kapasite pou kreye epi mete anplas politik k ap ogmante kapasite pou viv ak kalite lavi;
- Minisipalite a dwe te fè yon pwosesis angajman kominotè ki djanm epi ouvè ki ap abouti sou yon vizyon pou revitalizasyon anba lavil ak yon lis pwojè ak inisyativ preliminè k ap kapab antre nan yon Plan Envètisman Estratejik;
- Minisipalite a te idantifye pwojè ki pote transfòmasyon k ap pare pou mete anplas akoutèm avèk yon enjeksyon fon NY Forward; epi
- Minisipalite a gen kapasite lokal pou jere pwosesis planifikasyon an epi mete pwojè yo anplas, ansam ak kapasite pou sipèvize kontra yo pou pwojè minisipal yo atribye yo.

Cooperstown, Sharon Springs ak Dolgeville pral kounye a kòmanse pwosesis elaborasyon yon Plan Envestisman Estratejik pou revitalize anba laval yo a. Yon Komite Planifikasyon Lokal (Local Planning Committee) ki gen ladan reprezantan minisipal yo, lidè kominotè yo ak lòt pati konsène yo pral dirije efò sa, epi y ap resevwa sipò nan men yon ekip espesyalis nan sektè prive a ak planifikatè eta a yo. Plan Envestisman Estratejik la pral egzamine atou ak opòtinite lokal yo pou idantifye pwojè ki alien ak vizyon kominote a epi ki pare pou yo mete yo sou pye. Y ap akòde finansman pou pwojè yo chwazi ki soti nan Plan Envestisman Estratejik la genyen pi bon potansyèl pou relanse revitalizasyon an epi kreye nouvo opòtinite pou kwasans alontèm.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418